



ТОШКЕНТ

ОҚШОММИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 210 (11.771)

Баҳоси эркин нарҳда

ПОЙТАХТНИНГ БИР КУНИ

Юсак меъморий маҳорат маҳсули бўлган замонавий турар жой бинолари пойтахтимиз кўркини ошириши баробарида, кўплаб оилаларга қувонч ва қулайлик бахш этмоқда.

Бунёдкорлик

ЗАМОНАВИЙ УЙ ҚАД РОСТЛАМОҚДА

Ана шундай мухташам иморатларнинг қад ростлашида лойиҳачию меъморлар, қўли гул қурувчиларнинг хизмати катта бўлиб, албатта бу борда сифатли бунёдкорлик ашёларидан омилкорлик билан фойдаланилаётганлиги ҳам ўз самарасини бермоқда.

Хуршид ва Шароф Рашидов кўчалари кесишувидан бунёд этилаётган кўп қаватли турар жой фойдаланишга топширилган. 200 та оила ўз хонадонларига эга бўлиб, ҳовли тўйларини нишонлайди.

Шу ўринда таъкидлаш жоизки, ушбу турар жой биносини бунёд этишда замон талабига мос қурилиш ва пардозлаш ашёларидан фойдаланилмоқда. Хонадон меҳмонхоналари кенг, ошхоналари шинам, айвонлари ўзига яраша баҳаво бўлиши кўзда тутилган. Ҳар бир кириш йўлагига иккитадан лифт хизмати йўлга қўйилиши ҳам алоҳида қулайлик саналади.

Тўққиз қаватли турар жой биноси қурилишига



«Manufacturing Strategy» масъулияти чекланган жамияти бош пудратчи этиб танлангани, барча ишлар режага кўра сифатли адо этилаётганини айтиш лозим. Иш юритувчи Акбар Ирисматовнинг айтишича, уйлар 1-4 хонали бўлиб, умумий майдони 70 квадрат метрдан 190 квадрат метрга чачи ташкил этади, ертўла қисмида автомобиллар сақлаш жойи, биринчи қаватдан савдо ва маиший хизмат кўрсатиш шохобчаларининг жойлашиши кўзда тутилган.

Фанис Ҳусайнов, Рашид Аташев, Незмат Рўзметов, Фуқрат Эгамбердиев сингари қурувчилар гайрат-шижоатини намоён этиб, ишлар салмоғига муҳим ҳисса қўшишмоқда.

Юнусобод туманига кўрк бўлаётган ушбу салобатли турар жой биноси янги йилда ўз яшовчиларига барча қулайликлари билан фойдаланишга топширилиши белгиланган. Шу боис ҳам бугунги саёб-ҳаракатлар шунга яраша бўлмоқда.

Шарифа ИЛЁСОВА

ИҚТИСОДИЙ ҲАМКОРЛИК РИВОЖЛАНМОҚДА

Пойтахтимизда «Германия иқтисодиёти куни» мавзuida форум бўлиб ўтди.

Ўзбекистонда Германия ҳафталиги доирасида ўтказилган ушбу тадбир Ўзбекистон Республикаси Ташқи иқтисодий алоқалар, инвестициялар ва савдо вазири, Савдо-саноат палатаси, Германия иқтисодиётининг Марказий Осиедаги ваколатхонаси ҳамда мамлакатимиздаги Германия иқтисодиёти клуби ҳамкорлигида ташкил этилди. Унда Ўзбекистон ва Германиянинг ташқи иқтисодий алоқалар, сармоя, сугурта, ёқилги-энергетика, банк-молия, машинасозлик, қишлоқ ва сув хўжалиги, юқори технологиялар, транспорт ва транспорт коммуникациялари, электрон маҳсулотлар, енгил саноат, геология, ахборот технологиялари ҳамда логистика каби соҳалар учун масъул вазирилик ва идоралари, компания ва концернлари раҳбарлари иштирок этди.

Анжуманда Ўзбекистон Республикаси Савдо-саноат палатаси раиси А.Шайхов Ўзбекистон билан Германия ўртасидаги муносабатлар барча йўналишлар қатори иқтисодий соҳада ҳам изчил тараққий этаётганини алоҳида таъкидлади. Бунда икки давлат раҳбарларининг учрашувларида эришилган қилишувлар муҳим ҳуқуқий асос бўлиб хизмат қилаётди.

Форумда Германиялик ишбилармонларга мамлакатимиз иқтисодиётига инвестиция жалб этишнинг устувор йўналишлари ҳақида батафсил маълумот берилди. Меҳмонлар юртимизда давом этаётган кенг кўламли хусусийлаштириш жараёни, иқтисодиётимизда изчиллик билан амалга оширилаётган ислохотлар, кичик бизнес ва хусусий тадбиркорликни ривожлантириш борасидаги ўзгаришлар, «Навоний» эркин индустриал-иқтисодий зонасида яратилган имкониятлар билан танишдилар.

Германия Ўзбекистон иқтисодиётига фаол сармоя киритаётган мамлакатлардандир. ГФР сармоядорлари иштирокчида юртимизда умумий қиймати 1 миллиард евродан зиёд кўплаб сармоявий лойиҳалар амалга оширилган. Икки мамлакат ўртасидаги алоқалар давлатлараро, ҳукуматлараро ва идоралараро даражадаги юздан зиёд ҳужжатга асосланган. Улар орасида сармоявий, молиявий, техникавий соҳалардаги ҳамда кадрлар тайёрлаш ва мутахассислар малакасини ошириш борасидаги ҳамкорликка оид битимлар бор.

(Давоми 3-бетда)

ЎЗБЕКИСТОН РЕСПУБЛИКАСИ ОЛИЙ СУДИ ПЛЕНУМИ

Ўзбекистон Республикаси Олий суди раиси Б.Мустафоев бошқарган мажлисда Президентимиз Ислам Каримов раҳнамолигида ўтказилаётган ижтимоий, иқтисодий, сиёсий ислохотларнинг пировад мақсади халқимизнинг турмуш даражасини янада юксалтиришга, фуқароларнинг ҳуқуқ ва эркинликлари ҳамда қонун билан ҳимоя қилинадиган бошқа манфаатларини янада самаралироқ таъминлашга қаратилгани ва амалда ўзининг юсак самараларини бераётгани алоҳида таъкидланди.

Давлатимиз раҳбарининг БМТ Бош Ассамблеясининг Мингйиллик ривожланиш мақсадларига бағишланган олий даражадаги ялпи мажлисидаги нутқида ҳам ушбу йўналишда юртимизда амалга оширилаётган ишлар чуқур таҳлил этилди. Мазкур маъруза ушбу анжуманда ва нуфузли халқаро доираларда кенг эътирофга сазовор бўлди. Мамлакатимиз мустақил ривожланиш йилларида янги ва улкан марраларни қўлга кириштириб, жаҳон ҳамжамиятидан муносиб ўрин эгаллади. Жаҳон молиявий-иқтисодий инкирозининг таъсирларига қарамай, Ўзбекистон дунёдаги кам сонли давлатлар қаторида иқтисодиётнинг барқарор юқори ўсиш суръатларини таъминламоқда.

Юртимизда ҳуқуқий демократик давлат, эркин ва фаровон ҳаёт қуриш йўлида инсон ҳуқуқ ва эр-

Ўзбекистон Республикаси Олий суди пленумининг навбатдаги мажлиси бўлиб ўтди.

Унда Олий суд судьялари, жиноят ишлари бўйича вилоят ва унга тенглаштирилган судлар раислари, Олий Мажлис Сенати аъзолари ва Қонунчилик палатаси депутатлари, ҳуқуқшунос олимлар, ҳуқуқни муҳофаз қилувчи органлар ҳамда оммавий ахборот воситалари ходимлари иштирок этди.

киникларини ҳимоялашга алоҳида эътибор қаратилаётди. Айниқса, хотин-қизларнинг жамиятдаги ўрни ва нуфузини юксалтириш, уларнинг ҳақ-ҳуқуқлари, қонуний манфаатларини таъминлаш, қобилият ва имкониятларини рўйбга чиқариш борасида улкан ишлар амалга оширилмоқда.

Ўзбекистон Республикаси Олий суди томонидан қонунчилик ва ижтимоий адолатли ҳамда фуқароларнинг ҳуқуқ ва қонун билан ҳимоя қилинадиган манфаатларини таъминлаш, суд-ҳуқуқ ислохотларини амалга ошириш жараёнида қабул қилинган қонунларни амалиётга таъбиқ этишдан келиб чиқадиган вазифаларни бажариш доимий эътиборда. Бу йўналишда қабул қилинаётган пленум қарорларида суд, тергов органлари ва бошқа ваколатли идораларга амалдаги қонунларни тўғри таъбиқ этиш ҳақида те-

гишли тушунтиришлар берилмоқда. Бу ягона суд амалиёти-ни шакллантиришда, бир сўз билан айтганда, жамиятимизда қонун устуворлиги ва адолатли таъминлашда муҳим ўрин тутаяди.

Пленумда «Номусга тегиш ва жинсий эҳтиёжни гайритаъбиий усулда қондиришга доир ишлар бўйича суд амалиёти тўғрисида»ги қарор лойиҳаси муҳокама этилди. Мазкур ҳужжатда инсоннинг жинсий эркинлигига оид ҳуқуқларининг ҳимоясини самарали таъминлаш масаласига алоҳида эътибор қаратилган. Мазкур қарор ушбу масалага доир қонун меъёрларини ҳуқуқни муҳофаз қилувчи органлар томонидан аниқ ва бехато қўллаш билан бирга ягона суд амалиётини шакллантиришга хизмат қилади.

Пленумда кўриб чиқилган масала юзасидан қарор қабул қилинди.

Пойтахтимиздаги «Туркистон» саройида Ўзбекистон Республикаси Конституцияси қабул қилинганнинг 18 йиллигига бағишлаб «Ўзбекистон – дўстлик диёри» деб номланган концерт бўлиб ўтди.

ДЎСТЛИК НАВОЛАРИ ЯНГРАДИ

Республика байналмилал маданият маркази томонидан ташкил этилган ушбу концертда миллий маданият марказлари, турли вазирилик ва идоралар, жамоат ташкилотлари, хорижий мамлакатлар элчихоналари ва халқаро ташкилотлар ваколатхоналарининг вакиллари иштирок этди.

Республика байналмилал маданият маркази директори Н.Муҳаммадиев давлатимиз раҳбари Ислам Каримов раҳнамолигида юртимизда қарор топган тинчлик ва осойишталик, меҳр-оқибат, аҳиллик, барқарорлик муҳитини асраб-авайлаш ва янада мустақамлашда, маданият-маърифий соҳалардаги ютуқларда миллатлараро тотувлик муҳим аҳамият касб этаётганини таъкидлади.

Диёримизда турли миллат ва эллат вакиллари ягона оила фарзандларидек аҳил яшаб, меҳнат қилмоқда. Уларнинг таълим олиши, саломатлигини мустақамлаш, касб-ҳунар эгаллаши, меҳнат қилишига оид ҳуқуқ ва бурчлари Ўзбекистон Республикасининг Конституциясида белгилаб қўйилган. Шунингдек, турли миллат ва эллатлар-

ЖАҲОНДА

• Ироқ олий суди собиқ бош вазир ўринбосари, 74 ёшли Тарик Азизни ўлим жазосига ҳукм қилди. Шунингдек, Ироқнинг собиқ президенти, марҳум Садам Ҳусайннинг яна икки сафдоши – собиқ ички ишлар вазири Саадун Шокир ва Саддамнинг собиқ шахсий котиби Обид Ҳамуд ҳам дорга осиб йўли билан қатл этиладиган бўлди. Улар сиёсий муҳолифат вакилларини йўқ қилишда иштирок этганликда айбланмоқда.

• Татаристон антиядро жамяти фаоллари Россия президенти Дмитрий Медведевга мурожаат этиб, Татаристонда ўтказилажак қишлоқ хўжалиги маҳсулотларини радиацияда стериллаш тажрибасидан воз кечишни талаб қилди. Уларнинг фикрича ушбу лойиҳа иқтисодий устун катта наф келтириши мумкин, лекин келгуси авлодлар учун бу ўта хавфлидир.

• «Google Inc», «Verizon», «Intel», «Agilent Technologies» ва «Rockwell Collins In» компаниялари АКШнинг Калифорния университети билан ҳамкорликда Интернет тезлигини оширишга хизмат қиладиган янги технология яратиш мақсадида иш бошлади. Маълумотларни оптик тола орқали жўнатишга асосланган ушбу лойиҳа амалга оширилса, Интернет тизимида маълумотларни жўнатиш тезлиги минг баробаргача ортади.

**ҚИСКА
САТРАДАРДА**
Тошкент шаҳар ҳокими раиси Ахборот хизмати ва ўз муҳбирларининг хабарларидан.

✓ **АЛИШЕР** Навоний номидаги Ўзбекистон Миллий боғида «Соғлом авлод учун» жамғармаси, Болалар спортини ривожлантириш жамғармаси ҳамкорлигида «Экстрим гивандликка қарши» шиори остида ёшлар фестивали ўтказилди.

✓ **ТОШКЕНТ** ахборот технологиялари университетида япониялик мутахассислар иштирокида бўлиб ўтган давра суҳбатидан мамлакатимизда рақамли телевиденини ривожлантиришнинг истиқболлари ҳақида сўз борди.

✓ **БАДИЙ** академиянинг Марказий кўргазмалар залида рассом Александр Тюриннинг «Мулоқот» номли шахсий кўргазмаси ташкил этилди.

